

१००

विविधतीर्थकल्पे

५६. पञ्चकल्याणकस्तवनम् ।

- नमि वि जिण ताण कित्तेमि कल्लाणए, पंच चुइ जंमु वउ नाण निब्राणए ।
 नाणु कत्तिअकसिणपंचमिहिं संभवे, बारिसिहिं नेमि चुइ पउम जंमो भवे ॥ १ ॥
 तेरसिहिं पउमवउ वीर सिवु पंनरसी, मागसिअ तीइ सुविहिस्स अर बारसी ।
 5 मग्गसिरकसिणपंचमि सुविहि जंमए, छट्ठिं सुविहिस्स वीरस्स दसमी वए ॥ २ ॥
 मुक्खु इक्कारसिहिं एउ पउमप्पहे, सुद्धदसमी अर मुक्खु जंमणमहे ।
 पंच इक्कारसिहिं अरवयं निम्मलं, जंमु वउ नाणु मल्लिस्स नमि केवलं ॥ ३ ॥
 चउदसिहिं जंमु पुंनिम वयं संभवे, बहुलपोसे दसमि पास जंमूसवे ।
 गहिअ इक्कारसिहिं पासदिक्खागमो, बारसिहिं जंमु ससि तेरसिहिं संजमो ॥ ४ ॥
 10 नाणु उप्पन्नु चउदसिहिं सीअलजिणे, विमल सिअ छट्ठि संतिस्स नवमीदिणे ।
 गहिअ इक्कारसिहिं चउदसिहिं अभिनंदणे, पुंनिमिहि नाणु धंमे जणाणंदणे ॥ ५ ॥
 माहकसिणाइ छट्ठीइ पउमो चुउ, सीअलो बारसिहिं जंम-दिक्खाजुओ ।
 रिसहजिणु तेरसिहिं पत्तु निव्वुइपए, नाणु सेअंसजिण मावसा गिज्जए ॥ ६ ॥
 सुद्ध बीआइ पुण दुन्नि कल्लाणए, जंमु अभिनंदणे नाणु वसुपुज्जए ।
 15 धम्म-विमलाइ तइआइ जाया जिणे, विमल वउ चउत्थि अजिअट्ठमी जंमणे ॥ ७ ॥
 अजिअ वउ नवमि बारसिहिं अभिनंदणे, तेरसिहिं धम्मदिक्खा पसिद्धा जिणे ।
 फग्गुणे कसिणछट्ठीइ नाणुज्जलं, मुक्खु सत्तमि सुपासस्स ससि केवलं ॥ ८ ॥
 सुविहि चुइ नवमि केवलमुसभिगारसी, जंमु सेअंस केवलु सुवय बारसी ।
 गहिउ सेअंसि तेरसिहिं चारित्तयं, जंमु चउदसिहिं वसुपुज्जमावसि वयं ॥ ९ ॥
 20 सुद्धबीआइ अर चविउ जिणपुंगवो, चउत्थि मल्ली चविउ अट्ठमी संभवो ।
 बारसिहिं सुमइ वउ मल्लिजिण निव्वुइ, चउत्थि चित्ताइ पासस्स नाणं चुई ॥ १० ॥
 पंचमिहिं चवणु चंदप्पहे जिणवरे, अट्ठमिहिं जंमु दिक्खा य रिसहेसरे ।
 सुद्धतइआइ कुंथुस्स नाणूसवो, सिद्धु पंचमिहिं णंतोऽजिउ संभवो ॥ ११ ॥
 सुमइ मुक्खो नवमि नाणुमेगारसी, वीरनाहस्स जंमूसवो तेरसी ।
 25 पुंनिमाए तु पउमाभ केवलगुणो, बहुलवइसाहपडिवइ सिवं कुंथुणो ॥ १२ ॥
 सीअलो नाहु बीआइ परिनिव्वुउ, कुंथु वउ पंचमिहिं छट्ठि सीअल चुउ ।
 दसमि नमि मुक्खु तेरसिहिं णंतब्भवो, चउदसिहिं ऽणंतजिण केवलं तह तवो ॥ १३ ॥
 जाउ चाउद्दसिहिं कुंथु निम्मलमणो, चविउ सुद्धे चउत्थीइ अभिनंदणो ।
 चवणु सत्तमिहिं धम्मंमि तित्थेसरे, सिद्धु अभिनंदणो अट्ठमीवासरे ॥ १४ ॥
 30 अट्ठमिहिं जंमु नवमी वयं सुमइणो, केवलं पत्तु दसमीइ वीरो जिणो ।
 विमलजिण बारसिहिं अजिउ तेरसि चुउ, जिट्ठबहुलाइ सेअंसु छट्ठिहिं चुउ ॥ १५ ॥
 अट्ठमी जंमु नवमी सिवं सुबए, जंमु सिवु तेरसिहिं संति चउदसि वए ।
 सुद्धपंचमिहिं धम्मस्स निब्राणयं, नवमि वसुपुज्जजिण चवणकल्लाणयं ॥ १६ ॥
 जंमु बारसि सुपासस्स तेरसि वयं, बहुलआसाढचउत्थी उसभ चवणयं ।
 35 विमल सिव सत्तमिहिं दिक्ख नवमिहिं नमी, वीर सिअछट्ठि चुइ नेमि सिवु अट्ठमी ॥ १७ ॥

५७. कोल्लपाकमाणिक्यदेवतीर्थकल्पः ।

सिरिकोल्लपाकपुरवरमंडणमाणिक्यदेवरिसहस्स ।

10

लिहिमो जहासुअं किंचि कप्पमप्पेण गंथेण^१ ॥ १ ॥

पुवं किर अट्ठावयनगवरे सिरिभरहेसरेण निअनिअवण्ण-पमाण-संठाणजुत्ताओं सीहनिसिज्जाययणे चउवी-
 †सज्जिणाणं पडिमाओ रयणमईओ कारिआओ । ताओ अ मणुआणं अगम्माओ होहिंति ति परिभाविअ एगा **उसभ-**
सामिपडिमा पुढो चेव लोआणुमाहत्थं तेण चेव कारिआ ^२सच्छमरगयमणिमई; जडाजुअलं खंधेसु, चिबुगे^३ दिवायरो,
 भालयले चंदो, नाहीए सिवलिंगं । अओ चेव **माणिक्यदेव**ु ति विक्खाया । सा य कालंतरे जत्तागएहिं खेअरेहिं 15
 दिट्ठा । अउब्रूवि ति विम्विअमणेहिं विमाणे ठाविऊण ^४वेअड्डुगिरिं नीआ दक्खिणसेटीए । तेहिं^५ भत्तिभरभरिअ-
 चित्तेहिं पूइज्जइ । अन्नया भमंतेण **नारयरिसि**णा वेअड्डुगएण तं पडिमं दट्ठूणं पुच्छिआ विज्जाहरा-कुओ
 एस ति ? । तओ तेहिं वुत्तं-अट्ठावयाओ आणित्ति ति । जप्पमिई एसा अम्हेहिं पूइउं पक्कंता तप्पमिई अम्हे दिणे
 दिणे वड्ढिआ इट्ठीए^६ । तं सोउं **नारओ** सग्गे इंदस्स तप्पडिममाहप्पं कहेइ । इंदेणावि सग्गे आणावित्ता भत्तीए
 पूइउमाढत्ता, जाव **मुणिसुव्वय-नमिनाहा**णं अंतरालं । इत्थंतरे **लंका**ए तेलुक्ककंटओ **रावणो** उप्पन्नो । तस्स 20
 भज्जा **मंदोअरी** परमसम्मदिट्ठी । तीए तं रयणविंभमाहप्पं **नारया**ओ सोऊण तप्पूअणे गाढाभिग्गहो गहिओ । तं
 वुत्तंतं मुणित्ता महाराय**रावणे**ण इंदो आराहिओ । तेणावि तुट्ठेण समप्पिआ सा पडिमा महादेवीए । तीए तुट्ठाए
 तिक्कालं पूइज्जइ । अन्नया **दसग्गीवे**ण **सीआदेवी** अवहरिआ । **मंदोअरी**ए अणुसिट्ठो वि तं न मुंचइ ।
 तओ सुमिणे पडिमाअहिट्ठायगेण **रावणविणा**सो **लंका**भंगो अ अक्खिओ **मंदोअरी**ए । तओ तीए विंभं सायरे
 खिविअं । तत्थ सुरेहिं पूइज्जइ ।

25

इओ अ **कन्नाडदे**से **कल्लाणनयरे संकरो** नाम राया जिणभत्तो हुत्था । तत्थ केणावि मिच्छद्दिट्ठिणा
 वंतरेण कुविण मारी विउविआ । अदण्णो राया । तं दुक्खिअं नाउं देवी **पउमावई** रत्तिं सुविणे भणइ-जइ
 महाराय ! रयणायराओ **माणिक्यदेव**ं निअपुरि आणित्ता पूएसि तो सिवं होइ । तओ राया सायरपासे गंतूण उव-
 वासं करेइ । लवणाहिवो संतुट्ठो होऊण पयडी रायाणं भणइ-गिण्हह जहिच्छाए रयणाइं । रण्णा विन्नत्तं-न मे
 रयणाईएहिं कज्जं, **मंदोअरी**ठविअं विंभं देहि ति । तओ सुरेण विंभं कड्ढिऊण अप्पिअं रण्णो; भणिअं च-तुह देसे 30
 सुही लोओ होही । परं पंथे गच्छंतस्स जत्थ संसओ होही तत्थेव विंभं ठाहि ति । तओ पत्थिवो पत्थिओ ससिन्नो । देव-

1 Pa गव्देण । † एतदन्तर्गता पंक्तिः पठिता Pa आदर्शे । 2 P विमलमरगय° । 3 Pa C वेयङ्कि° । 4 B Pa तहिं ।
5 Pa दिट्ठीए ।

१०२

विविधतीर्थकल्पे

यापभावेण ¹तण्णयजुअलखंधट्टियसगडारोविअं बिंबं मग्गओ आगच्छइ । दुग्गं मग्गं लंघित्ता राया संसयं मणे धरइ—
किं आगच्छइ नवि त्ति । तओ सासणदेवीए **तिलंगदेसे कोल्लपाकनयरे दक्खिणवाणारसि** त्ति पंडिण्हिं
वण्णिज्जमाणे पडिमा ठाविआ । पुबिं अइनिम्मलमरगयमणिमयं आसि बिंबं । ज्जिरकालं खारोअहिनीरसंगेण कठिणंगं²
जायं । एगारसलक्खा असीइ सहस्सा नवसयाइं पंचुत्तराइं वरिसाइं सग्गाओ आणिअस्स भगवओ **माणिक्कदेवस्स**
5 संवुत्ताइं । तत्थ राया पवरं पासायं कारवेइ । किं च दुवालसगामे देवगूअट्ठं देइ । तम्मि भयवं अंतरिक्खे ठिओ
छसयाइं असीआइं विक्रमवरिसाइं । तओ मिच्छपवेसं नाउं सीहासणे ठिओ । निअकंतीए भविआणं
लोअणेसु³ अमयरसं वरिसेइ—[†]किमेसा पडिमा टंकेहिं उक्किन्ना, खाणीओ वा आणिआ, किं सप्पिणा घडिआ, वज्जमई
वा नीलमणिमई वि त्ति न निच्छिज्जइ, रंभाखंभनिभेव दीसेइ[†] । अज्ज वि किर भगवओ ण्हवणोदगेण दीवो पज्जलइ ।
अज्ज वि अंधा ण्हवणमट्टियाए लोयणेसु बंधियाए सलोयणा हवंति । अज्ज वि तित्थाणुभावओ चेइअमंडवाओ झरंता
10 जलसीअरा जत्तिअज्जणाणं वत्थाइं उल्लिंति । §पुरओ सप्पदट्ठो उट्ठेइ । एवं अणेगविहपभावभासुरस्स महातिथस्स⁴
माणिक्कदेवस्स जत्तामहूसवं पूअं च जे करिंति कारविंति अणुमोअंति अ ते इहलोअ-पारलोइअसुहसिरिं पाविंति ।
माणिक्कदेवकप्पो इअ एसो वण्णिओ समासेणं । सिरिजिणपहसूरीहिं भविआणं कुणउ कल्लणं ॥ १ ॥

॥ इति श्रीमाणिक्यदेवतीर्थकल्पः ॥

॥ ग्रं० ४४, अ० ५ ॥

1 Pa भयजुअल°; C भण्णइय° । 2 Pa कडिणंगं । 3 B लोआण° । † एतदन्तर्गतः पाठः P आदर्शे नास्ति ।
* P विद्यायान्यत्र नोपलभ्यते वाक्यमिदम् । § P आदर्शे एव लभ्यते वाक्यमिदम् । 4 पदमिदं नास्ति Pa । 5 B नास्ति
'सुमालि' । 6 Pa नास्ति पदमेतत् । 7 B खुडगं । 8 Pa विंगल्लिं ।